

Հիշելով տատիկի հետ

Ինչո՞ւ Մարին ավելի համբերա-
տար չէր տատիկի հետ:



Ջեյն Մաքքերայդ
(Հիմնված է իրական պատմության վրա)

Մարին մռայլվեց: Տատիկը պատմում էր նույն պատմու-
թյունը: Կրկին:
Մի քանի ամիս առաջ տատիկը
եկել էր ապրելու Մարիի ընտա-
նիքի հետ: Մարին սիրում էր
նրան, սակայն երբեմն
հոգնեցուցիչ էր տատիկի
հետ լինելը: Նա կրկին
ու կրկին պատմում էր
նույն պատմություն-
ները: Երբեմն, առանց
ավարտին հասնելու, նա
սկսում էր նորից պատ-
մել նույն պատմությունը:
Մարին հոգոց էր
հանում: «Տատիկ,-
ասում էր նա,- դու
արդեն պատմել ես ինձ
այդ պատմությունը»:
Տատիկը խոնար-
հում էր հայացքը:
«Իսկապե՞ս»:
«Այո», - ասում էր

Մարին: «Դու դա պատ-
մեցիր ինձ մի քանի
րոպե առաջ»:
«Չեմ հիշում», -
ասում էր տատիկը:
Նա տխուր և շփոթ-
ված տեսք ուներ:
Ապա նա կանգնում էր
և դանդաղ քայլերով
վերադառնում էր իր
սենյակը:

Մարին իրեն վատ էր
զգում, որ նեղացրել էր տատի-
կին: Պապիկի մահից հետո տատիկի
հիշողությունը գնալով վատանում էր: Մի
անգամ նա նույնիսկ մոռացել էր անջատել
զագօջախը, որի պատճառով հրդեհ էր
սկսվել խոհանոցում: Այդ ժամանակ էր, որ
մայրիկն ու հայրիկը տատիկին բերեցին
ապրելու իրենց հետ:
Մարին խոհանոցում հանդիպեց հայրի-
կին: «Ես իսկապես սիրում եմ տատիկին,
բայց հոգնում եմ նույն պատմությունները
լսելուց: Ինչո՞ւ նա չի հիշում, որ արդեն
պատմել է ինձ այդ պատմությունը մոտ
հիսուն միլիոն անգամ»:
Հայրը ժպտաց: «Համոզված եմ, որ
հիսուն միլիոն անգամ չէ: Սակայն գիտեմ,
որ դժվար է: Տատիկը հիվանդություն ունի
ուղեղում, որի պատճառով մոռանում է
շատ բաներ: Նա իր պատմությունների
միջոցով փորձում է հիշել, թե ով է ինքը»:
Մարին կախեց գլուխը: Նա ինչո՞ւ ավելի
համբերատար չէր տատիկի հետ: Տատի-
կը միշտ սիրալիք է եղել իր հանդեպ: Նա
կոչում էր նրան «իմ Մարի»: Մարին մտա-
բերեց այն օրերը, երբ օգնում էր տատիկին
ծաղիկներ տնկել և մաքրել պարտեզը



մուլախոտերից:
Մարին թակեց
տատիկի դուռը:
«Ներս եկե՞ք», -
ասաց տատիկը:
Մարին բացեց դու-
ռը: Տատիկը նստած
էր աթոռին՝ սուրբ գրու-
թյունները ծնկներին:
«Տատի՛կ, պատ-
միր խնդրեմ, թե դու և
պապիկը ինչպես միացաք
Եկեղեցուն», - խնդրեց Մարին:

Տատիկը վեր նայեց: «Դու ուզում ես
լսել իմ ու պապիկի մասի՞ն», - հարցրեց նա
հույսով լի ձայնով:
Մարին նստեց տատիկի կողքին: «Այո:
Ես ուզում եմ լսել ամեն ինչ»:
Մարին բռնեց
տատիկի ձեռքը: «Դու շատ յուրահատուկ
տեղ ունես իմ կյանքում, տատիկ: Եվ դա
միշտ այդպես կլինի»:
Տատիկը ժպտաց, հենվեց աթոռին և
սկսեց պատմել պատմությունը:
Մարին շատ անգամներ էր լսել այդ
պատմությունը, սակայն այս անգամ դա
նրան չէր նյարդայնացնում կամ ձանձրաց-
նում: Փոխարենը նա սեր ու հիացմունք էր
զգում: Նա գիտեր, որ տատիկն ու պապիկը
մեծ զոհաբերություններ էին կատարել,
երբ Գերմանիայում միացել էին Եկեղեցուն:
Նրանք տեղափոխվել էին իրենց տնից
շատ հեռու, որպեսզի կարողանային մոտ
ապրել Եկեղեցու անդամներին:
Տատիկն ավարտեց պատմությունը և
ժպտաց: «Դու լավ աղջիկ ես, իմ Մարի»:
Մարին գրկեց իր տատիկին: «Շնորհա-
կալություն, տատիկ: Ես սիրում եմ քեզ»: ●

Այս պատմությունը տեղի է ունեցել ԱՄՆ-ում: